

RETNINGSLINJER FOR TILDELING AV KOMMUNAL OMSORGSSTØNAD.

RETNINGSLINJENE BYGGJER PÅ VEDTAK I KOMMUNESTYRET DESEMBER 2022, SAK 89/2022.

OM OMSORGSSTØNAD:

Omsorgsstønad er ei kommunal godtgjering for ekstra omfattande omsorgsoppgåver utover det som er vanleg for born og vaksne/eldre. Omsorgsstønad kan verte innvilga når pårørande/personar yter omsorg som erstattar kommunale helse- og omsorgstenester.

Omsorgsstønad er ei økonomisk påskjønnning for omfattande omsorgsoppgåver for personar med omfattande hjelpebehov. Stønaden er ei godtgjering som ikkje er meint å dekke tapt arbeidsforteneste eller dekke den omsorga privatpersonar gjev time for time. Omsorgsstønad vert vurdert i ei heilheit i høve andre kommunale og statlege helse- og omsorgstiltak, til dømes avlastning, støttekontakt, pleiepengar frå NAV, heimesjukepleie og praktisk bistand. Ein må ha søkt hjelpestønad frå NAV for å kunne søkje om kommunal omsorgsstønad.

Forvaltningskontoret mottek og handsamar søknad om omsorgsstønad. Forvaltningskontoret skal innhente dei opplysningar som trengs for å gjere ei heilskapleg vurdering. Søkjar må samtykke til dette. Dersom søker ikkje samtykker, må avgjerda fattast på det grunnlag forvaltningskontoret er gjort kjent med.

Vedtak om omsorgsstønad kan klagast på. Saksgong ved klage følgjer helse- og omsorgstenestelova.

LOVGRUNNLAG:

Kommunal omsorgsstønad vert innvilga etter «Helse- og omsorgstjenesteloven» § 3- 1 og § 3-6, punkt 3 omsorgsstønad.

Helse og omsorgstjenesteloven

§3-1 «Kommunen skal sørge for at personer som oppholder seg i kommunen, tilbys nødvendige helse – og omsorgstjenester.»

§3-6 «Til personer med særlig tyngende omsorgsarbeid skal kommunen tilby nødvendig pårørendestøtte blant annet i form av: 1. opplæring og veiledning, 2. avlastningstiltak, 3 omsorgsstønad.»

SATS:

Omsorgsstønad er ei timebasert stønadsordning med godtgjering etter statleg lønsregulativ, minsteløn ufaglært, pr. 01.01.2023 kr. 166,61 pr. time.

Timesats for omsorgsstønad skal regulerast etter årleg lønsoppgjær.

Omsorgsstønad er ei skattbar inntekt.